



KEADAAN jembatan yang runtuh menyebabkan penduduk menggunakan besi sebagai laluan sementara.

'Jambatan dibina di tapak yang sama'

Cameron Highlands: Jambatan merintang Sungai Ulu Telom di Batu 49, Kampung Terla yang runtuh akibat banjir kilat kelmarin, dijangka siap dibina ki Khamis ini.

Pegawai Daerah Cameron Highlands Datuk Abdul Rahman Hamzah berkata, buat masa ini satu jambatan 'Bailey' berukuran 6.7 meter panjang dan satu meter lebar akan dibina sebagai laluan sementara.

"Bahan yang digunakan untuk membaikpulih jambatan itu dijangka tiba petang esok (hari ini) dan ia

akan dibina di tapak yang sama.

"Ini adalah laluan utama kira-kira 1,000 penduduk daripada empat kampung di perkampungan Orang Asli Pos Terisu dan ketiadaan jambatan menyukarkan mereka membuat kerja penghantaran bunga dan sayur," katanya ketika dihubungi.

Abdul Rahman berkata, runtuhannya jambatan itu berlaku dipercayai berpunca daripada kesan hakisan tanah pada bahagian tebing sungai.

"Air yang terlalu deras sebelum ini mengakibatkan

kan tanah di tebing berdekatan jambatan tidak mampu bertahan dan runtuh," katanya

Ketua Kampung Kuala Terla, R Santara Sakaran berkata, penduduk mengalami kesukaran terutama kepada mereka yang menghantar barang jualan keluar masuk.

"Saya sendiri yang membuat penghantaran bagi hasil bunga dan sayur terpaksa berulang-alik lebih 30 kali dan sejak pagi sehingga sekarang (lewat petang) barangan yang diangkut masih belum selesai," katanya